

2<sup>r</sup>

## Vorred.

Petrus von Selbet beider Eech<sup>r</sup>  
 ten/ deß geſtlichen vnd weltlichen Licentiat/ wun<sup>r</sup>  
 ſcht dem leſer feinen vnderthenigen dienſt zů vor/ vnd alles gůts.

WJEWol aller kunſtwiffen/ jedermañ lůftig vnd nutz ift/ noch  
 vber trifft weit die hiſtorifche erkañtnuß/ allen menſchen die  
 nōtft/ lůftigeft/ vñ nutzeft/ dañ dardurch erlernt mañ alt ge<sup>r</sup>  
 ſchicht/ ordnung der reich/ landt/ ftätt vñ lewt/ den nachkuñ  
 lingen zů eynē ebenbildt/ ſie ſeien gůt oder böß gewefen/ dar<sup>r</sup>  
 nach waiß mañ ſich zů halten/ dariñ das gůt anzůnemen/ vñ  
 das vnnůtz zů fliehē/ Dañ es ift ſalt ſchon/ ſpricht Diodorus/ auß and<sup>o</sup> lewt  
 irrthumb vnſer leben beſſern/ vnd was zů begeren oder zů fliehen ſei/ auß an<sup>r</sup>  
 dern exempeln/ nit an ihm ſelbſt erlernen. Die hiſtorien loben auch die gůtē/  
 vnd ſchelten die böſen/ deßhalben rieht Demetrius Phalerius dē Ptolomeo  
 hiſtorien zů leſen/ dañ dariñ wurd er offt/ das ihm ſunſt ſeiner freunde keiner  
 dōrfft ſagen/ geſchrieben finden/ ob ſein zům beſten hernach auch in hiſtoriē  
 mōcht gedacht werden. Werden nit hōchlich gnůg lewt/ welche von altē ge<sup>r</sup>  
 ſchichten wiffen zůſagen/ gelobt? Seint die jung/ ſo meynt mañ/ ſie habē zů  
 der zeyt gelebt. Seint ſie alt/ ſo glaubt mañ ihnen deſter hefftiger/ dañ mañ  
 acht/ ſie habens alles/ das ſie erzelen/ ſelbſt geſchē vñ gehōrt. Solch lob gibt  
 die Rōmiſch ſprach den hiſtorien zů/ am meynſtē vñ der ſach willē/ dz nichts  
 erlogens/ wie bei den Griechiſchen hiſtori beſchreibern geſchehen/ in ihnen  
 geſagt würt (das on neid geredt) Dweil aber nu nit allein die Latiner/ wie  
 ehrlich/ den alten nach/ zů leben/ ſollen wiffen/ ſunder jedermañ/ es ſeien her<sup>r</sup>  
 ren oder vnderthanen vndern Teutſchen/ gern ſtrebten nach dē hōchſtē/ wie  
 ſie von alter gethan/ vñ die hiſtorien/ auch hie im Valerio/ meldē/ ſo hab ich  
 mich der müh nit laſſen verdrieffen/ vnd Valerium Maximum/ den Rōmi  
 ſchen geſchicht ſchreibet/ damit Teutſch land auch deſſen nit beraubt wer/  
 zůuertutſchen für mich genuñen/ die weil er gantz gewaltig/ herrlich vnd  
 außbündig/ ſo viel mañlicher thatē/ der Rōmer/ Perſier/ Medier/ Griechen/  
 Apherñ/ Fleñingen vñ Teutſchen/ in eyner kurtzē ſuñ beſchreibt/ vñ ſchier  
 das dariñ thůt/ welches Titus Liuius mit mehr worten/ reichlicher inn ſei<sup>r</sup>  
 ner aller berůmtiſten Rōmiſchen Chronica geſchrieben. Ob ichs aber allent  
 halben/ nach eyns jeglichen ſiñ vnd ſprach nit troffen hett/ ſo bitt ich doch  
 gůtlich/ dieſen fleiß von mir in gůter trew auffzůnemen/ deñ ich muß beken<sup>r</sup>  
 nen/ das ichs offt beſſer im kopff/ dañ zů worten hab mōgen bringē/ villeicht  
 zů zeyten durch ſchweche der Teutſchen ſprach/ vnd mir offt auß eym haſſigē  
 lett eyn krauß ift wordē. Hoff aber doch darneben/ ich hab dē Valerio keyn  
 abbruch than/ ob es ſchon ſo eben nit laut im Teutſchen/ wie im Latein von  
 wort zů wort/ dañ folchs ſchickt ſich nit/ das wiffen die gelerten wol/ die hal<sup>r</sup>

ten den Latinifchen Valerium/ die weil ich auff das ſchlecht mitt kurtzer/  
güter verftentlicher meynūg/ nit wie in der altē translation Johañis Mug-  
lins/ mit einer böfen ſprach verworren/ dy hiftorien verteufcht / vñ in ein fat-  
te context/ das die gefchicht auff eynander folgen/ gefatzt hab. Dariñ möcht

ij vil

2<sup>v</sup>

## Vorred.

leicht ettwas in den namen der würde bei Römifchem Senat/ das mir doch nit baldt kundtlich/ geirrt fein/ vnd das zûuerkuñen/ auch den ſchaden zû beffern/ ſo wil ich ettlich dignitetē der ſich Valerius am meyfſten gebraucht/ dem leyen zû lieb melden/ auch verteutfchen nach meinem kleynē verftandt/ Wa darnach dieſe wörtlin der ämpter im Text zû latin gemeldet werden/ ſo magſtu wol hie jr außlegung ſûchen. Wil mich hiemit dem Leſer fleißig beſelhen/ vnd d̄z er mein arbeyt nit zû vaſt lob/ vn̄ nit zû leer ſchelt/ erhab dañ folche mühe vorhin auch erlitten/ ermanet haben.

Verftand vnd auß legung etlich  
er ämpter namen ſo vileicht inn dieſem  
Bûch gebraucht feint worden.

ROMulus hat hundert geltandener weiſer m̄nner auß dē volck erwelet in eym Rath zû Rom/ die warden darnach Senatores vnd Patres/ das iſt/ Vätter/ aber von den frembden Oberſten oder Fürſten der Römer genañt. Darnach warden ettlich Patres Conſcripti genañt/ den erſten zûhilff auß erleſen. Dieſen gewalt habē die ſechs nachfolgend künig etlicher maß gefchwechet/ vnd jnen vil zûtrutz gethan/ deßhalben nach dem Lucretia gefchwechet/ vn̄ die künig von Rom getrieben feint Conſules gemacht worden/ der waren zwen j̄rlich/ genañt Burgermaifter.

Senatus Conſultum/ ein Rathſchlag oder herren gebot.

Pontifex/ der oberſt Biſchoff.

Proconſul/ welcher nach dem Burgermaifterthumb gefandt ward frembd Landtſchafften zû regieren.

Es feint dreierlei Pretores gewefen/ im ſtreit mußte ihm das gantz heer gehorſam fein/ Die andern waren Richter inn zweiffelhafftigen ſachen/ Zûm dritten war eyn Pretor/ der nur der außlendigen ſachen richtet.

Auch haben wir noch zum teyl Cenſores/ die waren auffſ gût vnnd litten beſtelt/ Sittenrichter vnd Schatzmaifter/ wie viel einer vermocht/ genañt.

Vnd ſie haten x. Zunfftmeiſter/ die hießſen Tribuni/ on welche der Rath nichts dorfft beſchließen/ Aber Tribuni Militum/ die der Ritterſchafft vorſtanden in allen dingen vnd not. Tribuni Erarii/ Pfeñingmeiſter/ die gabē ſoldt im krieg den knechten.

Darnach warend Queſtores/ der feint dreierley/ Von erſten haben ſie ſorg auff das inſallē der zöll vnd der Statt/ acht es feien Reñtmaifter. Es iſt der ander Queſtor vnderhauptmañ im krieg/ mag eyn Leutenañt fein. Der drit iſt inn Malefitz händlen eyn Richter/ wirt in ettlichen ſtetten der Blûtricher genañt.

Magister Equitum der Oberst Hauptmann vber die Ritterfchafft.

Aediles Curules warent kirchenpfleger/ alle tempel vñ heußer zůuersehen  
mit gebew/ Bawmaister/ welche ftraffen auch heymlich gemach reyn halten  
zůgebetten macht hatten/ vnd waren den spielen vorgefetzt/ da mußten sy im  
spiel

3<sup>r</sup>

## Vorred.

ſpielhauß eym jeglichen fein gebürlich ort ingeben/ Auch hatten ſie fleißig acht auff güt zůkauffen oder zůuerkauffen/ damit keynē in der maß onrecht gefchehe/ zůuor ab in den fruchten/ daruon warden Ediles genañt.

Decemuiri feint in ſtatt der Burgermaifter erwelet worden/ diſe haben x. Gefatztaflen von den Athenienfern genummen/ vnd denen haben die Römer noch zwo zů gemacht/ darin war alles ſtattrecht geſchriben/ daruon niemants appellieren dorfft.

Triumuiri feint drei männer/ Dreier genañt/ vnd feint dreierley dignitet. Die erften werden Capitales genañt/ die feind vber die gefencknuß gefetzet/ an dieſe tödtet man niemants im gefencknuß/ ſie müſten entweder da perſonlich fein oder gewiß zůlaſſen. Die andern feint Menſarij/ die waren der Müntz vnd wechſel zůgeordnet · Die dritten waren Nocturni/ Wachtmeyſter/ vnd zů dem fewr verordnet.

Dieſe ämpter warden auff vn̄ ab gefetzet/ darnach eyn jeglicher ſich hielte/ dz war nit im Dictator/ dañ dieſer hatt den oberftē gwalt zů Rom/ der nichts an Rath oder Gemeynbringen dorfft/ dañ ihm müſt jederman vn̄ derthan fein. Das ampt vberkame Sylla/ der ſtifftet da durch groß mordt/ dann niemant dorfft ihm widerſprechen.